

Tillögur til breytinga á lögum Sjálfsbjargar Isf

Lagðar fram á Landsfundi 2016

I. grein

Nafn, heimili og aðild

Nafn samtakanna er Sjálfsbjörg landssamband hreyfihamlaðra, hér eftir nefnt Sjálfsbjörg.

Samtökin eru mynduð af aðildarfélögum víða um land.

Heimili og varnarþing Sjálfsbjargar er í Reykjavík.

Sjálfsbjörg á aðild að Öryrkjabandalagi Íslands.

Sjálfsbjörg á aðild að Nordiska Handikappförbundet.

Sjálfsbjörg getur átt aðild að samtökum, innlendum eða erlendum samkvæmt tillögu stjórnar og þarf slík tillaga að hljóta samþykki aðalfundar til að öðlast gildi

2. grein

Hlutverk

Hlutverk Sjálfsbjargar er að vinna að fullkominni þátttöku og jafnrétti hreyfihamlaðs fólks á Íslandi og eftir atvikum annarra fatlaðra. Sérstaklega skal unnið að því að tryggja hreyfihömluðum félagsmönnum sem öðrum aðgengi að umhverfi, menntun, atvinnu og upplýsingum. Samningur Sameinuðu þjóðanna um réttindi fatlaðs fólks er leiðarljós í vinnu Sjálfsbjargar. Helstu verkefni sem tengjast hlutverki Sjálfsbjargar eru:

- Að hafa áhrif á ríkis- og sveitarstjórnir, hagsmunasamtök og einstaklinga um þau mál sem varða hagsmuni hreyfihamlaðs fólks.
- Að vekja athygli almennings á málefnum hreyfihamlaðs fólks með útgáfu- og kynningarstarfsemi.
- Að hafa samstarf við hliðstæð félög, innlend og erlend.
- Að reka í sjálfstæðu félagi með þjónustusamningi við opinbera aðila eða aðra, hjúkrunar- og endurhæfingu Sjálfsbjargar og þar undir eru tengdar rekstrareiningar eins og Þjónustumiðstöð Sjálfsbjargar og Þekkingarmiðstöð Sjálfsbjargar.

3. grein

Félagar í aðildarfélögum Sjálfsbjargar

Félagar í aðildarfélögum Sjálfsbjargar eru hreyfihamlaðir einstaklingar og aðrir fatlaðir eða ófatlaðir einstaklingar sem óska eftir að gerast félagar og/eða vilja styðja við félagsskapinn. Með kjörgengi og kosningarétt á aðalfundi Sjálfsbjargar fara þeir félagsmenn sem voru kjörnir fulltrúar á fundum aðildarfélaga og eru orðnir 16 ára á degi aðalfundar. Aðeins hreyfihamlaðir félagar geta setið í stjórn Sjálfsbjargar.

4. grein

Aðild að Sjálfsbjörg landssambandi hreyfihamlaðra

Aðild að Sjálfsbjörg hafa félög sem byggja á félagsaðild hreyfihamlaðs fólks og jástast undir þessi lög. Í félaginu þurfa að vera að lágmarki 10 félagar. Ekki getur verið nema eitt aðildarfélag í hverju bæjar- eða sveitarfélagi, en starfssvæði félags getur náð yfir fleira en eitt sveitarfélag. Aðild einstaklinga af svæðum þar sem ekkert félag Sjálfsbjargar er starfsrækt er heimil og gerast þeir þá beinir félagar í Sjálfsbjörg eða velja sér aðild að tilteknu aðildarfélagi.

5. grein

Inntaka aðildarfélaga

Með inntökubeiðni hvers félags til Sjálfsbjargar skal fylgja afrit af lögum þess, ásamt upplýsingum um stjórn og skrá yfir félagsmenn. Aðalfundur Sjálfsbjargar þarf að samþykkja inngönguna að tillögu stjórnar. Nýstofnað aðildarfélag er undanþegið árgjaldi til Sjálfsbjargar á aðildarári.

6. grein

Skýrslur og gjald til Sjálfsbjargar

Aðildarfélögin skulu fyrir marslok ár hvert senda stjórn Sjálfsbjargar skýrslu um starfsemi þeirra fyrir nýliðið ár, rekstrarreikning þess árs og fjárhagsstöðu í lok ársins, ásamt uppfærðu félagatali eins og það stóð 1. janúar ár hvert.

Aðildarfélögin skulu halda aðalfund árlega og kjósa sér stjórn (lágmark þrjá stjórnarmenn) og skal tilkynning um stjórnarkjörið berast stjórn Sjálfsbjargar innan mánaðar frá aðalfundi félagsins.

Árgjald aðildarfélaganna til Sjálfsbjargar er ákveðin upphæð á hvern féлага og skal upphæðin ákvarðast á hverjum aðalfundi Sjálfsbjargar fyrir næsta ár. Árgjaldið til Sjálfsbjargar skal greiðast fyrir lok marsmánaðar og miðað skal við tölu félagsmanna 1. janúar ár hvert.

7. grein

Nánar um aðildarfélög

- a. Í nafni aðildarfélags þarf að koma fram heitið Sjálfsbjörg og starfssvæði þess.
- b. Aðildarfélagnum er heimilt að starfrækja deildir innan síns starfssvæðis.
- c. Hvert aðildarfélag skal starfa að málefnum hreyfihamlaðs fólks á sínu starfssvæði. Að öðru leyti hafa félögin frjálsar hendur um sín innri mál og starf,

en þurfa að starfa innan þessara laga Sjálfsbjargar ásamt samþykktum aðalfunda þess og stjórnar. Þá þurfa þau að taka þátt í sameiginlegum verkefnum Sjálfsbjargar.

- d. Ef aðildarfélag hættir störfum er ekki heimilt að ráðstafa eignum þess án samráðs við stjórn Sjálfsbjargar.

8. grein

Kjörnefnd - framboð

Á vegum Sjálfsbjargar skal ávallt starfa 5 manna kjörnefnd og skal hún kjörin á aðalfundi.

- a. Hlutverk kjörnefndar er að auglýsa eftir og taka á móti framboðum og tryggja að minnsta kosti sé einn frambjóðandi í hvert embætti er kjósa skal um á aðalfundi sbr. 13. grein.
- b. Framboð til embætta sem eru til kjörs á aðalfundi ber að tilkynna til kjörnefndarmanns í síðasta lagi 7 vikum fyrir aðalfund og skal það vera skriflegt og undirritað af frambjóðanda. Kjörnefnd skal ljúka störfum og kynna frambjóðendur á vefsíðu sambandsins eigi síðar en 4 vikum fyrir aðalfund.
- c. Kynning frambjóðenda skal a.m.k. innihalda nafn, aldur, heimili, netfang, símanúmer, stutta ferilsskrá og mynd. Nöfn, netföng og símanúmer kjörnefndarmanna skulu tilgreind í fundarboði til aðalfundar sem birt er á vefsíðu Sjálfsbjargar ásamt lista yfir nöfn þeirra sem gegna kjörnum embættum, hvenær hver var kjörinn fyrst í embættið og hvaða embætti eru til kjörs. Stjórn Sjálfsbjargar skal kalla kjörnefnd saman til starfa í síðasta lagi 1. febrúar ár hvert.
- d. Ef einungis eitt framboð er í embætti á aðalfundi er viðkomandi sjálfkjörinn. Ef fleiri en eitt framboð er um embætti skal kosið milli þeirra á aðalfundinum og hlýtur sá kjör sem fær flest atkvæði.

9. grein

Aðalfundur – tími, staður og boðun

Aðalfundur Sjálfsbjargar fer með æðsta vald í málefnum samtakanna og skal halda hann árlega annað hvort í apríl eða maímánuði, eftir ákvörðun stjórnar og velur stjórn fundarstað hverju sinni. Til aðalfundar skal boða með minnst 10 vikna fyrirvara með netpósti til formanna aðildarféлага og birta á vefsíðu Sjálfsbjargar. Jafnframt skal opna svæði á vefsíðunni þar sem sett eru inn jöfnum höndum gögn aðalfundar.

10. grein

Aðalfundur - fulltrúar

- a. Aðalfundur Sjálfsbjargar sitja fulltrúar aðildarfélaganna, sem kosnir eru á lögmætum félagsfundi. Hvert aðildarfélag hefur rétt til að kjósa einn aðalfundarfulltrúa fyrir hverja 40 félag eða brot af 40. Þó hafa félög, sem í eru 40 félagar eða færri, rétt til að kjósa 2 fulltrúa á aðalfundinn. Kosning fulltrúa fari fram eftir félagatali frá 1. janúar ár hvert.
- b. Kosning fulltrúa og varafulltrúa á aðalfund Sjálfsbjargar skal fara fram á félagsfundi aðildarfélags, skriflega og vera bundin við uppástungur. Fundurinn skal vera sannanlega boðaður með a.m.k. þriggja sólarhringa fyrirvara og skal kosninganna getið í fundarboði. Hver fulltrúi skal á aðalfundi Sjálfsbjargar framvísa kjörbrefi undirrituðu af formanni og ritara aðildarfélags. Niðurstöðu kosningar fulltrúa aðildarfélags á aðalfund Sjálfsbjargar skal tilkynna stjórn Sjálfsbjargar eigi síðar en 4 vikum fyrir aðalfund Sjálfsbjargar.

11. grein

Aðalfundur – framsetning efnis

Stefnt skal að því að minnst 2 vikum fyrir aðalfund Sjálfsbjargar (eða fyrr ef lög segja svo) skuli eftirfarandi efni tengt aðalfundinum vera komið inn á vefsíðu Sjálfsbjargar og uppfært eftir því sem nær dregur fundi:

- a. Drög að dagskrá aðalfundar.
- b. Drög að skýrslu stjórnar.
- c. Drög að ársreikningi Sjálfsbjargar.
- d. Fjárhagsáætlun fyrir yfirstandandi ár og næsta ár.
- e. Tillaga að árgjaldi.
- f. Drög að starfsáætlun Sjálfsbjargar til 2 ára.
- g. Tillögur til lagabreytinga.
- h. Drög að ályktunum.
- i. Tillögur frá stjórn, nefndum eða einstökum félögum.
- j. Kynningu á frambjóðendum sem eru í kjöri á aðalfundinum.

12. grein

Aðalfundur - dagskrá

Stjórn Sjálfsbjargar gerir tillögu að dagskrá aðalfundar og skal hún lögð fram og samþykkt í upphafi aðalfundar. Eftirfarandi dagskrárliðir skulu a.m.k. vera á dagskrá allra aðalfunda:

- a. Setning aðalfundar.
- b. Inntaka nýrra aðildarféлага.

- c. Inntaka nýrra félagsmanna með einstaklingsaðild (lagður fram nafnalisti).
- d. Skýrsla stjórnar fyrir síðasta almanaksár kynnt og rædd.
- e. Endurskoðaður ársreikningur Sjálfsbjargar fyrir síðasta ár kynntur, ræddur og afgreiddur.
- f. Skýrsla og ársreikningur hjúkrunar og endurhæfingar Sjálfsbjargar fyrir síðasta ár kynnt.
- g. Fjárhagsáætlun fyrir yfirstandandi ár og næsta ár kynnt, rædd og afgreidd.
- h. Ákvörðun um árgjald.
- i. Ályktanir, stefnumál og baráttumál kynnt, rædd og afgreidd.
- j. Lagabreytingar kynntar, ræddar og afgreiddar.
- k. Kosningar.
- l. Önnur mál.
- m. Slit aðalfundar.

13. grein

Aðalfundur - kosningar

Árlega skulu kosningar á aðalfundi vera eins og hér segir í eftirfarandi embætti:

- a. Formann stjórnar, gjaldkera, einn meðstjórnanda og einn varamann skal kjósa til tveggja ára sama árið.
- b. Varaformann, ritara, tvo meðstjórnendur og einn varamann skal kjósa til tveggja ára hitt árið.
- c. Kjörnefnd; tveir skulu kjörnir annað árið og þrír hitt árið.
- d. Stjórn skal leggja til hvaða aðrar nefndir skulu starfa í Sjálfsbjörg hverju sinni, fjölda nefndarmanna, hvort stjórn skipar nefndarmenn eða hvort kjósa skal í þær til eins árs eða tveggja ára á aðalfundi og hvort formann nefndar skal kjósa sérstaklega. Sama á við um fulltrúa Sjálfsbjargar í stjórn og nefndum sem Sjálfsbjörg tilnefnir fulltrúa í. Þetta skal kynnt á vefsíðu Sjálfsbjargar 4 vikum fyrir aðalfund.
- e. Fulltrúar sem kosnir eru á aðalfundi Sjálfsbjargar sem aðalmenn í stjórn og nefndir fyrir hönd eða á vegum Sjálfsbjargar, skulu ekki sitja í sömu stjórn eða nefnd lengur en 6 ár samfelld. Sá sem kosinn er formaður Sjálfsbjargar getur þó setið í 6 ár þrátt fyrir að hann hafi setið í stjórn Sjálfsbjargar í öðru embætti en formanns.

14. grein

Aðalfundur – lögmæti og fyrirkomulag

- a. Aðalfundur er lögmætur, ef löglega er til hans boðað.
- b. Kosning er lögmæt ef að lágmarki 2/3 aðalfundarfulltrúa eru á fundi.
- c. Fulltrúar á aðalfundi með kosningarétt geta aðeins verið félagsmenn samkvæmt félagatali sbr. 3. grein.
- d. Starfsmenn Sjálfsbjargar hafa málfrelsi og tillögurétt á aðalfundi.

- e. Aðalfundur getur samþykkt að veita einstaklingum heimild til að sitja aðalfund sem áheyrnarfulltrúar, eftir atvikum með málfrelsi og tillögurétt.
- f. Allar kosningar á aðalfundi Sjálfsbjargar skulu vera samkvæmt framkomnum tillögum og skriflegar.
- g. Á fundinum gilda almenn fundarsköp og ræður meirihluti greiddra atkvæða niðurstöðu nema um lagabreytingar, þá þarf 2/3 greiddra atkvæða.

15. grein

Aðalfundur - tillögur

Álit, ályktanir og tillögur til lagabreytinga, er stjórn ætlar að leggja fyrir aðalfund Sjálfsbjargar, skal birta á vefsíðu Sjálfsbjargar eigi síðar en 4 vikum fyrir aðalfund.

Mál þau og tillögur, er aðildarfélögin óska að verði tekin fyrir á aðalfundi, skal senda stjórn eigi síðar en 4 vikum fyrir aðalfund og skulu þær þá birtar á vefsíðu Sjálfsbjargar. Tillögur er varða fjárhags- og skipulagsbreytingar, skal þó senda stjórn 8 vikum fyrir aðalfund. Stjórn skal kynna tillögur um fjárhags- og skipulagsbreytingar sem leggja á fyrir aðalfund ásamt umsögn sinni 4 vikum fyrir aðalfund á vefsíðu Sjálfsbjargar.

16. grein

Stjórn og sambandsstjórn Sjálfsbjargar

- a. Stjórn stýrir starfsemi Sjálfsbjargar og annast málefni samtakanna á milli aðalfunda og í umboði hans. Hún framkvæmir ákvarðanir sem aðalfundur samþykkir hverju sinni.
- b. Stjórn skal skipuð sjö aðalmönnum og tveimur varamönnum. Formaður, varaformaður, gjaldkeri og ritari eru kjörnir sérstaklega.
- c. Stjórn boðar til aðalfundar Sjálfsbjargar, ákveður tímasetningu hans, staðsetningu og undirbýr hann.
- d. Stjórn heldur reglulega fundi að jafnaði mánaðarlega (utan júlí og ágúst mánaða) og er heimilt að fundarmenn sitji fundinn í gegnum fjarfundabúnað. Varamenn fá öll fundargögn send og er heimilt að sitja stjórnarfundum án atkvæðaréttar, en taka sæti stjórnarmanns ef forföll verða.
- e. Stjórnarfundur er löglegur ef meirihluti stjórnar situr fund og allir hafa verið sannanlega boðaðir.
- f. Fundartímar stjórnar skulu kynntir á vefsíðu Sjálfsbjargar.
- g. Meirihluti atkvæða stjórnarmanna ræður úrslitum komi til kosninga á stjórnarfundum. Séu atkvæði jöfn ræður atkvæði formanns.
- h. Sambandsstjórn skipa formenn aðildarfélaganna eða fulltrúar þeirra ásamt stjórn Sjálfsbjargar. Stjórn skal boða til sambandsstjórnarfundar á tímabilinu september – nóvember. Efni fundarins eru málefni samtakanna ár hvert ásamt stefnumótunarmálum samtakanna.

- i. Stjórn er jafnframt heimilt að boða til almenns félagsfundar eða málþinga á milli aðalfunda ef hún telur ástæðu til. Hvorki formannafundur né félagsfundir hafa stjórnskipunarvald, en geta samþykkt ályktanir.
- j. Stjórn er heimilt að skipa nefndir til að sinna einstökum afmörkuðum verkefnum fyrir Sjálfsbjörg á milli aðalfunda og setur þeim starfslýsingu.
- k. Stjórn hefur umsjón með eignum Sjálfsbjargar og gætir hagsmuna sambandsins á allan hátt.
- l. Stjórn tilnefnir fulltrúa Sjálfsbjargar til setu á aðalfundi ÖBÍ ásamt jafn mörgum til vara. Ákvörðun stjórnar í þessu efni er bindandi.
- m. Stjórn tilnefnir árlega til aðalfundar þriggja manna Starfskjaranefnd og skal aðalfundur staðfesta tilnefninguna. Nefndin ákveður og uppfærir kjör framkvæmdastjóra, formanns og stjórnarmanna í kjölfar aðalfunda.
- n. Fundargerð skal rita á fundum og skulu þær birtar á vefsíðu sambandsins svo fljótt sem verða má.
- o. Reynt skal að tryggja sem jafnasta kynjaskiptingu í stjórn, nefndum og á skrifstofu Sjálfsbjargar. Jafnframt skal stefnt að því að ekki sé minna en helmingur starfsfólks Sjálfsbjargar hreyfihamlað. Eins skal stefnt að því að hlutfall fulltrúa í nefndum og stjórnnum sé sem jafnast á milli landsbyggðar og höfuðborgarsvæðisins.

17. grein

Starfsfólk Sjálfsbjargar

- a. Stjórn ræður framkvæmdastjóra Sjálfsbjargar og gerir við hann ráðningarsamning.
- b. Framkvæmdastjóri ber ábyrgð á og stýrir daglegum rekstri og fjármálum Sjálfsbjargar. Hann ræður aðra starfsmenn í samráði við stjórn.
- c. Framkvæmdastjóri getur ekki setið í stjórn Sjálfsbjargar.
- d. Framkvæmdastjóri skal gera grein fyrir rekstri Sjálfsbjargar og stöðu á stjórnarfundum, aðalfundi og hvenær sem stjórn æskir þess.
- e. Formaður Sjálfsbjargar getur jafnframt verið starfsmaður samtakanna sem slíkur í hlutastarfi. Aðrir stjórnarmenn geta ekki verið starfsmenn samtakanna.
- f. Ávallt skal vera til staðar skýr og skrifleg verkaskipting allra.

18. grein

Fjármál Sjálfsbjargar

Fjárhagsgrundvöllur Sjálfsbjargar skal byggður á félagsgjöldum almennra félaga Sjálfsbjargar, framlögum styrktarféлага (hollvina), framlögum opinberra aðila, styrkjum og almennri fjáröflun. Óheimilt er að veðsetja fasteignir Sjálfsbjargar nema með samþykkt meirihluta stjórnar.

Sjálfsbjörg greiðir allan kostnað er tengist rekstri sambandsins og skal stjórn setja almennar reglur um greiðsluþátttöku varðandi ferðakostnað og upphald

stjórnarmanna og félagsmanna í þátttöku á fundum innan- og utanlands og skal leggja þær til samþykktar á aðalfundi.

19. grein

Ársreikningur, endurskoðun og reikningsár

Reikningsleg endurskoðun bókhalds og ársreikninga Sjálfsbjargar skal framkvæmd af löggiltum endurskoðanda. Stjórn ásamt framkvæmdastjóra staðfestir ársreikning Sjálfsbjargar með áritun sinni. Ársreikningurinn skal síðan lagður fyrir aðalfund til fullnaðarafgreiðslu. Reikningsár Sjálfsbjargar er almanaksárið.

20. grein

Gildistími laga

Lög þessi eru samþykkt á aðalfundi Sjálfsbjargar 2016 og öðlast þegar gildi. Jafnframt falla úr gildi eldri lög Sjálfsbjargar.

Þannig samþykkt á aðalfundi Sjálfsbjargar þann 1. október 2016.

Ákvæði til bráðabirgða:

Á landsfundi/aðalfundi Sjálfsbjargar 2016 skal kjósa í stjórn og tilskildar nefndir þannig að þar sem kjósa á hluta annað hvert ár, skal annan hluta aðeins kjósa til eins árs til að kosningafyrirkomulagið gangi upp. Þannig skal á þessum fundi kjósa formann, gjaldkera, einn meðstjórnenda og varamann til tveggja ára en hinn hluta stjórnarmanna til eins árs. Þá skal kjósa þrjá í kjörnefnd til tveggja ára en tvo til eins árs. Sama á við um nefndarmenn og skal starfandi stjórn leggja fram fyrirkomulagið á þeirri kosningu á þessum landsfundi/aðalfundi.

(þar sem stendur til tveggja ára er til aðalfundar 2018)

(þar sem stendur til eins árs er til aðalfundar 2017)

Laganefnd Sjálfsbjargar yfirfór og skilaði af sér álitni til framkvæmdastjórnar 2.8. 2016

Yfirfarin og betrubætt drög samþykkt á fundi framkvæmdastjórnar 26.8. 2016.

Yfirfarin og betrubætt drög afgreidd á fundi sambandsstjórnar 27.8. 2016.